

आकाशवाणी

खास-खास खबरां:-

- प्रधानमंत्री नरेन्द्र मोदी होरें भारत दे फिनटेक क्षेत्र च एकीकृत भुगतान इंटरफेस –UPI दे टकोदे तौर पर महत्वपूर्ण योगदान दी सराहना कीती ऐ।
- रक्षामंत्री राजनाथ सिंह होरें आखेआ ऐ भारतीय समुदाय दौनें मुखे बशकार इक महत्वपूर्ण पुल आला लेखा ऐ, उनें आखेआ जे भारत म्हेसा मुश्किल समें च श्रीलंका कन्नै खड़ोता रौहग।
- अमरीका ते ईरान बशकार लगातार हमले करी पश्चिम एशिया च तनाव तेजी कन्नै बदी गेआ ऐ। अमरीका नै ईरान दे 5 तेल टैंकरें गी तबाह कीता।
- कनाडा नै अमरीका दी 600 थमां मती चीजें पर 50 फीसद तगर जवाबी शुल्क लाया ऐ।
- भारत च दक्खण-पश्चिम मॉनसून दी वापसी शुरु होने थमां पैहले 12 थमां 21 सितम्बर बशकार केन्द्रीय दक्षिणी, पूर्वी ते पश्चिमी भारत दे बड़्डे हिस्सें च बरखा होने दा अनुमान ऐ।
- US Open Tennis च महिला सिंगल्स दी मौजूदा चैम्पियन एरीना सबालेंका नै रोमांचक क्वाटर फाइनल च चेक गणराज्य दी 6मीं वरीयता हासिल लिंडा नोस्कोवा गी हराइए सेमीफाइनल च थाहर बनाई लैती ऐ।

<><><><><><>

PM –Fin Tech

प्रधानमंत्री नरेन्द्र मोदी होरें भारत दे फिनटेक क्षेत्र च टकोदी प्रगति दी सराहना कीती ऐ। उनें आखेआ जे फिनटेक दी सफलता दी कहानी च एकीकृत भुगतान इंटरफेस-UPI दा टकोदे तौर पर महत्वपूर्ण योगदान ऐ। मोदी होरें मुम्बई च ग्लोबल फिनटेक फेस्ट दा उदघाटन करदे होई आखेआ जे एह इन्ना बड़्डा बदलाव ऐ जे फिनटेक दी चर्चा UPI बगैर अधूरी रहौग।

प्रधानमंत्री होरें तकनीकी सशक्तिकरण दे अपने मूल सिद्धांत गी दौहरांदे होई UPI गी माली समावेशन दा सब्बनैं थमां बेहतर साधन दस्सेआ जिसने रिवायती बैंकिंग मॉडले आस्सेआ बेगोरे क्षेत्रें च बी सफतापूर्वक अपनी थाहर बनाई ऐ। प्रधानमंत्री होरें दस्सेआ जे छड़ा अगस्त महीने च UPI दे माध्यम राएं 24 अरब थमां मते दा लैन-देन होआ ऐ। प्रधानमंत्री होरें भारत दी प्रमुख डिजिटल भुगतान प्रणाली दे वैश्विक विस्तार दा जिक्र करदे होई दस्सेआ जे UPI हून 11 मुख्य च उपलब्ध ऐ।

<><><><><><><><>

PM-ML Nehru

परतिऐ तयार कीते गेदे नेहरु तारामंडल दा कल नमीं दिल्ली च उदघाटन कीता गेआ। एह प्रधानमंत्री संग्रहालय ते लाइब्रेरी दे तैहत आम लोकें तगर पुज्जने आहली प्रमुख सुविधा दा मकसद विज्ञान बारे च जानकारी गी बेहतर बनाना, खगोल विज्ञान प्रति जागरुकता ते लोकें दी हिस्सेदारी बदाना ऐ। PMML दी कारजकारी परिशद दे अध्यक्ष होरें उदघाटन समारोहें दी अध्यक्षता कीती। इस मौके पर PMML दे निदेशक अश्वनी लोहानी होरें आखेआ जे नेहरु तारामंडल मुख्य दे प्रमुख तारामंडलें च इक बनिए उभरेआ ऐ। एदे च ओह सुविधा न जेड़ियां साईंसी सोच गी बढ़ावा दिंदियां न ते विद्यार्थियें, युवाएं ते आम लोकें च जिज्ञासा पैदा करदियां न।

<><><><><><><><>

Rajnath –Srinlanka

रक्षामंत्री राजनाथ सिंह होरें आखेआ ऐ भारत हर कठन समें च श्रीलंका दे कन्नै खड़ा रेहा ऐ ते हून बी जंदू कदें बी श्रीलंका दे सामने कोला संकट खड़ा होंदा ऐ तां भारत पूरी तगड़ेयाई कन्नै श्रीलंका दी सरकार ते उत्थू दे लोकें दे शाना-बशाना डटे दे रौहग। उनें आखेआ कि भारत ते श्रीलंका दे आपू च सरबंध कोई नमें नैई न, सगुआ एह सांझे इतिहास, संस्कृति ते आस्था दी निगगर बुनियाद पर टिके दे न। त्रंऊ दिनें दी श्रीलंका यात्रा पर कल कलम्बो पुज्जे दे भारती रक्षा मंत्री होरें ए गल्ल उत्थे रवा करदे भारतीय मूल दे लोकें गी सम्बोधित करदे होई आखी।

लगभग 38 बरें दे बाद पैहली बारी कोई भारती रक्षा मंत्री श्रीलंका दे अधिकारिक दौरें पर ऐ एहदे शा पैहले 1988 च उस बेल्ले दे रक्षा मंत्री के.सी. पंत होरें श्रीलंका दा दौरा कीता हा।

<><><><><><><>

Iran –US Conflict

अमरीका ते ईरान बशकार लगातार हमले करी पश्चिम एशिया च तनाव तेजी कन्नै बदी गेआ ऐ। एदे कन्नै व्यापक क्षेत्रीय संघर्ष दी शेंका बदी गई ऐ। अमरीकी सैन्य बलें ईरान दे कच्चे तेल दे 5 टैंकर नश्ट करी दिते न। वाशिंगटन मूजब पिच्छले 2 दिनें च इक अमरीकी युद्धपोत पर ईरान दे इस्लामिक रिवोल्यूशनरी गार्ड कोर IRGC नै हमले कीते हे। ईरान नै जॉर्डन च अमरीकी ठिकाने पर मिसाइलां दागियां। अमरीकी केन्द्रीय कमान नै सोशल मीडिया पोस्ट च आखेआ जे एह हमले पिच्छले 2 दिनें च अमरीकी युद्धपोत पर बैलिस्टिक मिसाइलें थमां हमला करने दे ईरान दे 2 जत्रें दे परते च कीते गे। ओमान दी खाड़ी च तबाह कीते गेदे ईरानी जहाजें च किविक, चारमीनार, होराइजन-1 ते रीस्को शामिल हे। इस दौरान इस्लामिक रिवोल्यूशनरी गार्ड कोर नै बहरीन ते कुबैत दे बंदरगाहें कश टैंकरें पर जवाबी कारवाई दी चेतावनी दिती।

<><><><><><><>

Canada US- Tariff

कनाडा नै अमरीका दी 600 थमां मती चीजें पर 50 फीसद तगर जवाबी शुल्क लाया ऐ। एदे कन्नै इनें दौनें गोआंडी मुख्यें च बपार विवाद होर बदी गेआ ऐ। अमरीकी समान पर एह शुल्क आधिकारिक तौर पर कल रातीं थमां लागू होई गे। कनाडा दे वाणिज्यिक उद्यम फेडरल सरकार दे नमैं लागू कीते गेदे “डॉलर दे बदले डॉलर” शुल्क तैहत कम्म करा रदी ऐ जेदे च लगभग 28 अरब डॉलर मूल्य दा अमरीकी आयात शामिल ऐ। अमरीका दे लगभग 700 उत्पादें पर 15 थमां 50 फीसद तगर शुल्क लाया गेआ ऐ।

प्रभावित समाने च स्टील ते एल्युमीनियम जनेह औद्योगिक समान, टॉयलेट पेपर जनेई रोजमर्रा दी जरूरत दी चीजें ते कॉइन ऑपरेटेड आर्केज मशीन जनेह खास उत्पाद शामिल न।

<><><><><><>

Nutrition Month

केन्द्रीय महिला ते बाल विकास मंत्रालय अज्ज वाराणसी च 9में “राष्ट्रीय पोषण माह” दी शुरुआत करोग। केन्द्रीय महिला ते बाल विकास मंत्री अन्नपूर्णा देवी, मुख्यमंत्री योगी आदित्यनाथ हुंदी मौजूदगी च रुद्राक्ष कन्वेंशन सेंटर च इसदी शुरुआत कीती जाग। एह अभियान पूरे सितम्बर महीने आंगनवाड़ी केन्द्रें, स्कूलें पंचैतें च चलाया जाग। इस बरे एदा विशेषार ऐ- “साहडे आंगवाड़ी-साहड़ी जिम्मेदारी”।

<><><><><><>

UP Aganwadi

उत्तर प्रदेश सरकार नै आंगनवाड़ी वर्करें ते हैल्परें दे मानदेह च बाद्धा कीता ऐ। राज्य सरकार ने इस बारे इक हुक्म जारी करियै एहदी घोषणा कीती ऐ। मुख्यमंत्री योगी आदित्यनाथ होरें कल अयोध्या च इक समारोह च इस बारे आधिकारिक तौरा पर एहदा ऐलान कीता। इस फैसले दे कन्नै गै आंगनवाड़ी वर्करें दा मानदेह 8 जहार रपे महीने दे बजाए 12 जहार रपे महीना कीता गया ऐ, जिसले कि हैल्परें गी जित्थे पैहले 4 जहार रपे महीना थ्हांदा हा हून ऊन्दा महीने परती मानदेह 6 जहार करी दिता गेआ ऐ। इस बाद्दे दे कन्नै राज्य च कोई सवा त्रै लक्ख कोला मते आंगनवाड़ी महिला कर्मियें गी फैयदा पुज्जोग।

<><><><><><>

Navy Chief Visit

भारतीय नौसेना दे प्रमुख एडमिरल कृष्णा स्वामी नाथन अज्जै थमां आस्ट्रेलिया ते न्यूजीलैंड दे अधिकारिक दौर पर जा रदे न।

रक्षा मंत्रालय मुजब उच्ची सतह दी इस यात्रा दा मुख्य मकसद दौनें मुख्य कन्ने भारत दे दपक्खी रिश्ते ते नौसैनिक सहयोग ते समुन्द्री रक्षा सरबंघे गी होर मजबूत बनाना ऐ। आस्ट्रेलिया दे दौरे दौरान एडमिरल स्वामीनाथन आस्ट्रेलिया दी नोसेना दे प्रमुख वाइस एडमिरल मैथू बकली, चीफ ऑफ डिफेंस फोर्स एडमिरल मार्क हैमंड ते वरिष्ठ रक्षा अधिकारिं कन्ने मलाटी लागन। ओहदे बाद, न्यूजीलैंड दौरे दौरान उन्दा उत्थे दी रॉयल न्यूजीलैंड नेवी दे बड़े अधिकारिये कन्ने मलाटी करने ते आपसी सहयोग गी बधाने बारे विचार बटांदरा करने दा कार्यक्रम ऐ दंऊ मुख्य दी इस यात्रा दौरान मुख्य ध्यान हिंद प्रशांत क्षेत्र च रमानदारी ते स्थिरता ते तकनीकी सहयोग बधाने पर केंद्रित रौहग।

<><><><><><><><>

Moonsom

भारत च दक्खण, पश्चिम मॉनसून दी वापसी शुरू होने थमां पैहले 12 थमां 21 सितम्बर बश्कार केन्द्रीय दक्षिणी, पूर्वी ते पश्चिमी भारत दे बड़े हिस्सें च बरखा होने दा अनुमान ऐ। मौसम दे मॉडलें सारत दिती ऐ जे औने आहले दिनें च होने जा रदी बरखा कमजोर पौंदे मॉनसून चक्र गी अस्थायी तौर पर पुनर्जीवित करी सकदी ऐ। इस करी सितम्बर दे अद्धे च मुख्ये दे कैई हिस्सें च बौछार पेई सकदी ऐ ते गरज कन्ने बरखा होई सकदी ऐ। उपग्रहें थमां हासिल नमिं तस्वीरें च भारतीय उप-महाद्वीप दे बड़े हिस्सें, खासतौर पर उत्तर पश्चिम भारत च बदले च टकोदे तौर पर कमी दिक्खी गई जिसले के पूर्वी ते दक्खनी क्षेत्रें च बरखा आनने आहले बदले दे समूह सक्रिय बने दे न।

<><><><><><><><>

IMD

मौसम विभाग नै बिहार, झारखंड, पश्चिम बंगाल दे गांगेय क्षेत्र, ओडिशा, अरुणाचल प्रदेश, असम, मेघालय, नागालैंड, मणिपुर, मिजोरम ते त्रिपुरा च अज्ज तेज बरखा पौने दी पेशनगोई किती ऐ। मौसम विभाग नै अंडमान-निकोबार द्वीप समूह, आंध्र प्रदेश, तमिनाडू, पुदुचेरी ते कराईकल च तेज हवा कन्ने गरज चमक दी संभावना जाहिर कीती ऐ।

समुन्द्री कंडे आहले आंध्र प्रदेश, केरलम ते माहे च अज्ज गर्म ते गुम्मे आहला मौसम बने रौहने दी संभावना ऐ।

<><><><><><>

US Open Tennis

UP Open Tennis च महिला सिंगल्स दी मौजूदा चैम्पियन ते शीर्ष वरीयता हासल एरीना सबालेंका नै रौमाचंक क्वाटर फाइनल च चेक गणराज्य दी 6मी वरियता हासल लिंडा नोस्कोवा गी हराइयै सेमीफाईनल थाहर बनाई लैती ऐ। सबालेंका नै कल रातीं संघर्षपूर्ण मैच च 7-6, 3-6 ते 7-6 कन्नै जित हासल कीती।

मर्दे दे एकल च 11मीं वरीयता हासल फ्रांसेस टियाफो नै 5 सेटें दे रोमांचक मैच च अपने हमवतन अमरीकी खडारी एलेक्स मिशेलसन गी हराइयै खीरी 4 च प्रवेश करी लेता। टियोफो ने 5-7, 3-6, 7-5, 6-3, 7-6 कन्नै जित दर्ज कीती।

<><><><><><>

Para Archery

अहमदाबाद च विश्व पैरा तीरंदाजी श्रृंखला च अज्ज भारतीय पैरा तीरंदाज बक्ख-बक्ख मुकाबले च सुन्ने ते कैह दे तगमे आस्तै खेडगंन। पैरा रिकर्व मिक्सड टीम च सुन्ने दे तगमे लेई मैच च भारत दी भावना ते हरविंदर सिंह फाईनल च चीन दे लियांग छिउरेंग ते शिया लेई कन्नै खेडडन। पैरा कम्पाउड महिला व्यक्तिगत फाइनल च भारत दी शीतल देवी कश सुन्ने दा तगमा जित्रे दा इक होर मौक होग।

<><><><><><>